

En Teo,

Un Nadal de nos

Bases da campaña 2021 “No nadal, comercio e hostalaría local”

1. ENTIDADE ORGANIZADORA

O Concello de Teo, a través da Concellaría de Desenvolvemento Local, Turismo e Comercio organiza, dentro da programación do Nadal 2021, o sorteio “No Nadal, comercio e hostalaría local”, co obxecto de promover o consumo e gasto nos establecementos do comercio e a hostalaría local adheridos á campaña. A campaña comeza o 10 de decembro de 2021 e rematará o 10 de xaneiro de 2022 , ambos incluídos, os premios poderán ser trocados ata o 31 de xaneiro de 2022.

2. ÁMBITO TERRITORIAL

Poderán participar nesta Campaña de Nadal todos os establecementos de comercio con tenda física e todos os establecementos de hostalaría que se atopen no termo municipal de Teo.

3. CONDICIONES DE PARTICIPACIÓN

Todos os establecementos que se adhiran a esta campaña procederán á entrega dun cupón rasca e gaña, en adiante “cupón”, por compras iguais ou superiores a 10 € ata un máximo de 5 cupóns por compra. Poderán participar no sorteio todas as persoas clientes dos establecementos adheridos que sexan maiores de idade. Os cupóns disporán dun apartado no que a clientela deberá rascar para coñecer se é, ou non, gañadora dos vales premiados con 50 €. Os vales poderán ser trocados pola clientela dende o mesmo momento en que o conseguén e ata o 31 de xaneiro de 2022, realizando unha compra nun único establecemento de comercio polo miúdo, restauración ou hostalería de Teo que estean adheridos á campaña e que será escollido libremente pola persoa premiada. A contía do vale (50 €) non poderá ser dividida para gastar en diferentes compras.

4. RESTRICTIONES DE PARTICIPACIÓN

Non poderán participar comerciantes participantes na campaña con tickets de compra do seu propio local. No caso de ser así o premio non será entregado.

5. PREMIOS

Os establecementos participantes disporán dos cupóns que lle facilitará a organización e que serán repartidos a partes iguais e ata esgotar existencias.

Entre a totalidade dos cupóns distribuídos inclúense 128 unidades que conteñen un premio de 50 euros cada unha.

Estes cupóns premiados poderán ser trocados pola clientela en calquera momento da campaña, dende o seu inicio, e ata o 31 de xaneiro de 2022.

6. MÉTODO DE PAGO AOS ESTABLECIMENTOS

A clientela beneficiada cun premio utilizará o cupón como pago ou parte do pago dunha compra nos comercios adheridos á campaña ou por consumo nun dos establecementos hostaleiros adheridos. Para poder trocar o seu cupón, a persoa afortunada deberá achegar o ticket causante do dito premio.

O establecemento que recolle o cupón como pago, ou parte do pago, deberá presentar unha factura ao Concello de Teo polo importe dos cupóns premiados xunto cos cupóns premiados e os tickets da compra/oferta do servizo correspondente. A dita factura pode presentarse: no Rexistro Xeral do Concello de Teo de forma presencial e/ou a través da sede electrónica desta entidade (<https://sede.teo-gal>); a través dos rexistros da Xunta de Galicia ou dos rexistros SIR e os administrativos de Correos (calquera oficina de Correos).

7. OBRIGAS DOS ESTABLECIMENTOS PARTICIPANTES

- Os establecementos interesados farán a inscrición previa nas datas sinaladas achegando a información solicitada.
- Comprométense a cumplir os prazos establecidos, acatar estas bases de participación e darlle a maior difusión posible á campaña.
- Colocarán en lugar visible, dende o exterior, o distintivo que o accredita como local participante para que sexa identificable pola clientela.
- Devolver os cupóns sobrantes á organización.

8. OBRIGAS DA ORGANIZACIÓN

- O material da campaña será entregado ao establecemento antes do seu inicio.
- A organización comprométese a pór en marcha a difusión desta campaña a través de diferentes medios de comunicación e redes sociais na que se realizará unha importante inversión publicitaria.
- Resolver calquera dúbida xurdida sobre o funcionamento da campaña.

9. OUTRAS CONSIDERACIÓNIS

- Considérase Comercio polo miúdo aos autónomos e pymes cun máximo de 10 persoas empregadas.
- Queda prohibida a participación da/s persoas titular/es do establecemento participante no seu propio establecemento.
- A organización non se responsabiliza da perda, deterioro,... dos cupóns premiados tendo que ser custodiados polo establecemento ata a súa facturación.
- A organización resérvase o dereito a modificar, atrasar ou incluso suspender esta campaña debido ás posibles restricións que poidan xurdir debido á actual situación de pandemia mundial por mor da COVID-19, sen que isto poida derivar en ningunha responsabilidade para a organización nin dereito aos establecementos participantes a percibir ou reclamar calquera tipo de indemnización.
- A organización poderá dar de baixa da campaña a aquel establecemento que faga un mal uso dela.
- O importe dos premios será trocado dentro dos prazos estipulados.
- O número de cupóns repartidos a cada establecemento dependerá do número final de adheridos.
- A organización non se responsabiliza das posibles incidencias que poidan xurdir no troco dos premios.
- A información da campaña e a listaxe dos establecementos participantes estará disponible na web do Concello e nos diferentes perfís de redes sociais.
- Considérase cupón premiado aquel no que apareza a frase “PREMIO”.
- Considérase cupón non premiado aquel no que que apareza a frase “Grazas por participar”.
- Para pór en marcha esta campaña é necesario un mínimo de 20 establecementos.

10. PROTECCIÓN DE DATOS

De acordo co establecido pola normativa vixente en materia de protección de datos, informámosselle de que o Responsable de Tratamento dos seus datos persoais é o Concello de Teo. Os datos serán utilizados para comunicarse coas persoas gañadoras e a xestión administrativa do sorteо, con posterioridade serán destruídos ao remate do mesmo. Os datos non se cederán a terceiros, salvo por obriga legal. Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como oponerse ou retirar o consentimento en calquera momento e solicitar a portabilidade dos mesmos en calquera momento. Para iso, o Concello de Teo dispón de formularios específicos para facilitarle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade.